



Broj: 2306/23

Datum: 27.11.2023. godine

Na osnovu člana 64. stav (1) tačka b), člana 70. stav (1), (2), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14 i br. 59/22), Statuta JP „LOKOM“ d.o.o. Sarajevo (Službene novine KS br. 15/13, br. 47/14, br. 29/18 i br. 3/22), Pravilnika o javnim nabavkama roba, usluga i radova br. 2448/22 od 30.12.2022.godine i br. 481/23 od 17.03.2023.godine, direktor JP „LOKOM“ d.o.o. Sarajevo, **donosi**

O D L U K U **O IZBORU NAJPOVOLJNIJEG PONUĐAČA**

Član 1.

Prihvata se preporuka Komisije za nabavke iz Zapisnika o pregledu i ocjeni ponuda broj: 2305/23 od 27.11.2023. godine i Okvirni sporazum za javnu nabavku roba: *Nabavka i sukcesivna isporuka mesa, mesnih prerađevina i zamrznute ribe za potrebe Službe ugostiteljstva JP „LOKOM“ d.o.o. Sarajevo - LOT 2 - Nabavka zamrznute ribe*, dodjeljuje se ponuđaču BROJLER d.o.o. Sarajevo sa sjedištem u Sarajevu, Rajlovačka bb, 71000 Sarajevo sa cijenom ponude nakon završene e-aukcije u iznosu od od 10.417,50 KM bez PDV-a, odnosno 12.188,47 KM sa PDV-om.

Član 2.

Obavezuje se ponuđač iz člana 1. ove Odluke da u roku od 5 (pet) dana od dana prijema Odluke o izboru najpovoljnijeg ponuđača, dostavi original ili ovjerene kopije dokumenata tražene tačkom 3.1.3 tenderske dokumentacije koja se odnosi na član 45. stav (2) Zakona o javnim nabavkama i original ili ovjerene kopije dokumenata tražene tačkom 3.3.2 tenderske dokumentacije koja se odnosi na član 47. Zakona o javnim nabavkama.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, donijet će se nova odluka u korist onog ponuđača čija je ponuda po rang-listi odmah nakon ponude najuspješnijeg ponuđača.

Član 3.

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

Član 4.

Protiv ove Odluke dozvoljena je žalba u roku od 10 (deset) dana od dana prijema iste.

O b r a z l o ž e n j e

Postupak za javnu nabavku roba: Nabavka i sukcesivna isporuka mesa, mesnih prerađevina i zamrznute ribe za potrebe Službe ugostiteljstva JP „LOKOM“ d.o.o. Sarajevo, putem otvorenog zahtjeva, pokrenut je Odlukom o pokretanju postupka javne nabavke br. 2063/23 od 17.10.2023. godine.

U skladu sa članom 14a. Zakona o javnim nabavkama, prije pokretanja predmetnog postupka javne nabavke ugovorni organ je proveo provjeru tržišta u svrhu pripreme nabavke i informisanja privrednih



subjekata u vezi sa nabavkom, o čemu je sačinjena pisana zabilješka o svim radnjama i postupcima i uložena u predmet spisa.

Shodno članu 16. Zakona o javnim predmetni postupak javne nabavke je podijeljen na lotove prema sličnosti, homogenosti i pripadnosti istoj skupini, odnosno na 2 (dva) lota, na način da se ponuđačima omogućava da dostave ponude za jedan lot ili više lotova li sve lotove, i to: LOT 1 - Nabavka mesa i mesnih prerađevina i LOT 2 – Nabavka zamrznute ribe.

Ukupna procijenjena vrijednost javne nabavke iznosi 172.000,00 KM bez PDV-a. Procijenjena vrijednost javne nabavke za LOT 2 iznosi 13.000,00 KM bez PDV-a. Za ovaj postupak javne nabavke predviđeno je zaključenje okvirnog sporazuma na period od 1 (jedne) godine.

Ugovorni organ je, u skladu sa članom 53. stav (6) Zakona o javnim nabavkama („Službeni glasnik BiH“, br. 39/14 i br. 59/22), tri puta vršio izmjene tenderske dokumentacije koje su se odnosile na Obrazac za cijenu ponude za LOT 1, prilikom čega je prvom izmjenom TD produžen rok za prijem ponuda za 7 (sedam) dana.

Na osnovu člana 6. i člana 8. stav (7) Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH" br. 80/22) ugovorni organ je izvršio izmjene tenderske dokumentacije, tako što je objavljivao novi dokument na Portalu javnih nabavki, i to: dana 26.10.2023. godine u 14:51 sati pod brojem: 269-1-1-131-8-57/23, a sažetak Ispravke za obavještenje o nabavci objavljen je u „Službenom glasniku BiH“ br. 76/2023 dana: 03.11.2023. godine, dana: 30.10.2023. godine u 15:44 sati pod brojem: 269-1-1-131-8-58/23, a sažetak Ispravke za obavještenje o nabavci objavljen je u „Službenom glasniku BiH“ br. 76/2023 dana: 03.11.2023. godine, 01.11.2023. godine u 16:05 sati pod brojem: 269-1-1-131-8-59/23, a sažetak Ispravke za obavještenje o nabavci objavljen je u „Službenom glasniku BiH“ br. 76/2023 dana: 03.11.2023. godine.

Prema Izvještaju o preuzimanju tenderske dokumentacije od strane ponuđača tendersku dokumentaciju je preuzelo 10 (deset) potencijalnih ponuđača, a tendersku dokumentaciju i posljednju ispravku tenderske dokumentacije je preuzelo 6 (šest) potencijalnih ponuđača s Portala javnih nabavki zaključno s krajnjim datumom za preuzimanje tenderske dokumentacije.

U određenom krajnjem roku za dostavu ponuda (16.11.2023. godine do 10:00h) blagovremeno su dostavljene 3 (tri) ponude za LOT 2, i to ponuda ponuđača: 1. LALA I LAĆO d.o.o. Bijeljina sa sjedištem u Bijeljini na adresi 1. Maja br. 14, 76 300 Bijeljina, BiH, koja je zaprimljena kod ugovornog organa dana 15.11.2023. godine u 12:15 sati, 2. „Penny plus“ d.o.o. Sarajevo sa sjedištem u Sarajevu, Igmanska b.b., 71320 Vogošća, BiH koja je zaprimljena kod ugovornog organa dana 16.11.2023. godine u 08:10 sati, 3. BROJLER d.o.o. Sarajevo sa sjedištem u Sarajevu na adresi Rajlovačka bb, 71000 Sarajevo, BiH koja je zaprimljena kod ugovornog organa dana 16.11.2023. godine u 09:43 sati.

Zapisnikom o otvaranju ponuda konstatovano je da su ponude uredno zatvorene, te da su ponuđene cijene, kako slijedi: LALA I LAĆO d.o.o. Bijeljina u iznosu od 13.000,00 KM bez PDV-a, „Penny plus“ d.o.o. Sarajevo u iznosu od 12.900,00 KM bez PDV-a i BROJLER d.o.o. Sarajevo u iznosu od 10.417,50 KM bez PDV-a.

Komisija imenovana Rješenjem direktora za provođenje predmetnog postupka javne nabavke je blagovremeno i pravilno izvršila javno otvaranje ponuda dana 16.11.2023. godine, u sjedištu ugovornog organa JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u



10:30 časova i sačinila Zapisnik o otvaranju ponuda. Postupku javnog otvaranja ponuda je prisustvovao ovlaštenu predstavnik ponuđača BROJLER d.o.o. Sarajevo. Kopija Zapisnika o otvaranju ponuda je odmah nakon završenog otvaranja uručena prisutnom ovlaštenom predstavniku ponuđača, te istog dana poslana e-mailom svim ostalim učesnicima u postupku predmetne javne nabavke zajedno sa Zapisnikom o zaprimanju ponuda, u skladu sa tačkom 5.12 predmetne tenderske dokumentacije, koja reguliše način komunikacije između ugovornog organa i ponuđača.

Nakon javnog otvaranja ponuda Komisija za javne nabavke je pristupila pregledu i ocjeni ponuda, te o tome sačinila odgovarajući Zapisnik u kojem je utvrđeno sljedeće:

- da su blagovremeno zaprimljene tri (3) ponude u određenom krajnjem roku, i to ponude ponuđača: LALA I LAĆO d.o.o. Bijeljina, „Penny plus“ d.o.o. Sarajevo i BROJLER d.o.o. Sarajevo;
- da nije bilo neblagovremenih ponuda;
- da zaprimljena ponuda ponuđača LALA I LAĆO d.o.o. Bijeljina nije u skladu sa tenderskom dokumentacijom, te je ista odbačena kao nepravilna i navedenom ponuđaču nije dozvoljeno dalje učešće u postupku javne nabavke;
- da zaprimljena ponuda ponuđača „Penny plus“ d.o.o. Sarajevo ispunjava kriterije za kvalifikaciju, odnosno ista je prihvatljiva u formalno-pravnom, ekonomskom i tehničkom smislu i ispunjava postavljene zahtjeve ugovornog organa definisane tenderskom dokumentacijom, te je navedenom ponuđaču dozvoljeno dalje učešće u postupku javne nabavke;
- da zaprimljena ponuda ponuđača BROJLER d.o.o. Sarajevo ispunjava kriterije za kvalifikaciju, odnosno ista je prihvatljiva u formalno-pravnom, ekonomskom i tehničkom smislu i ispunjava postavljene zahtjeve ugovornog organa definisane tenderskom dokumentacijom, te je navedenom ponuđaču dozvoljeno dalje učešće u postupku javne nabavke;
- da je ponuđač BROJLER d.o.o. Sarajevo vršio ispravke u ponudi, te da je isti postupio u skladu sa članom 18. stav (1) tačka m) Uputstva za pripremu modela tenderske dokumentacije i ponuda, te su ispravke u ponudi izvršene na način da su vidljive, potvrđene potpisom ponuđača i sa datumom izvršene ispravke;
- da je u skladu sa tačkom 5.13. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), Komisija za javne nabavke izvršila provjeru računске ispravnosti ponuda, te konstatovala da u ponudama ponuđača „Penny plus“ d.o.o. Sarajevo i BROJLER d.o.o. Sarajevo nije bilo računskih grešaka;
- da ponuda ponuđača BROJLER d.o.o. Sarajevo nije ocijenjena kao ponuda sa neprirodno niskom cijenom u smislu člana 66. ZJN i člana 17. Uputstva za pripremu modela tenderske dokumentacije i ponuda;
- da dostavljene ponude ponuđača „Penny plus“ d.o.o. Sarajevo i BROJLER d.o.o. Sarajevo ne prelaze planirana, odnosno osigurana novčana sredstva ugovornog organa za predmetnu nabavku.

Detaljnim pregledom ponude ponuđača LALA I LAĆO d.o.o. Bijeljina sa sjedištem u Bijeljini, Komisija ugovornog organa je konstatovala sljedeće:

- ⚡ Ugovorni organ je tačkom 5.2. tenderske dokumentacije propisao sljedeće: „Ponuđač je obavezan u ponudi dostaviti: Izjavu ponuđača da će, ukoliko njegova ponuda bude odabrana kao najpovoljnija, dostaviti, u roku od 15 (petnaest) dana od dana zaključivanja/obostranog potpisivanja ugovora, garanciju za uredno izvršenje ugovora u obliku bezuslovne bankarske garancije u iznosu od 10% od ukupne vrijednosti ugovora, sa rokom važnosti: rok važenja



ugovora + 30 (trideset) dana. Izjava se dostavlja u izvorniku i mora biti ovjerena pečatom i potpisana od strane ovlaštene osobe privrednog subjekta.“

- ✚ Nadalje, tačkom 4.1 tenderske dokumentacije navedeno je sljedeće: „Ponuda treba sadržavati sljedeće dokumente: ... *k) Izjava o dostavi garancije za uredno izvršenje ugovora, kako je traženo tenderskom dokumentacijom (za svaki LOT posebno);“*

Članom 68. stav (4) tačka i) Zakona o javnim nabavkama BiH propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije.

U skladu sa odredbama člana 2. stav (1) Zakona o javnim nabavkama ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti: 1) prihvatljiva- koju je podnio ponuđač koji nije bio isključen u skladu sa članom 45. ovog zakona i koji ispunjava kriterije za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva; 2) neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta; 3) nepravilna - koja nije u skladu sa tenderskom dokumentacijom ili je primljena izvan roka za dostavu ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Slijedom prethodno navedenog, Komisija je jednoglasno zauzela stav da se ponuda ponuđača LALA I LAČO d.o.o. Bijeljina, u skladu sa članom 2. stav (1) tačka l) alineja 3) Zakona o javnim nabavkama („Službeni glasnik BiH”, broj 39/14 i br. 59/22), odbaci kao nepravilna, te se navedeni ponuđač isključuje iz daljeg postupka javne nabavke.

Tenderskom dokumentacijom u tački 4.13 predviđeno je provođenje e-aukcije, te je Komisija u skladu sa članom 64. stav (1) tačka b) Zakona o javnim nabavkama („Službeni Glasnik BiH" br. 39/14 i br. 59/22), odnosno primjenom kriterija „najniža cijena“ i Pravilnika o uslovima i načinu korištenja e-aukcije („Službeni glasnik BiH“, br. 66/16), utvrdila početnu rang listu ponuđača, te u sistem e-nabavke unijela sve prihvatljive ponude, kako slijedi:

Red. broj	Naziv/ime ponuđača	Početna cijena u KM bez PDV-a	Rang
1.	BROJLER d.o.o. Sarajevo	10.417,50	1
2.	„Penny plus“ d.o.o. Sarajevo	12.900,00	2

E-aukcija je uspješno završena dana 27.11.2023. godine u 09:10:00 sati, nakon čega je Izvještajem o toku i završetku e-aukcije, koji je preuzet iz sistema e-nabavke, Komisija ugovornog organa rangirala ponude, kako slijedi:

Red. broj	Naziv/ime ponuđača	Konačna cijena u KM bez PDV-a	Procenat umanjenja ukupne ponudene cijene nakon završene e-aukcije	Rang
1.	BROJLER d.o.o. Sarajevo	10.417,50	0%	1
2.	„Penny plus“ d.o.o. Sarajevo	12.900,00	0%	2



Nakon provedene e-aukcije, ponuda ponuđača: BROJLER d.o.o. Sarajevo osvojila je prvu poziciju na rang listi u predmetnom postupku javne nabavke.

U skladu sa rezultatima evaluacije ponuda i provedene e-aukcije, Komisija za nabavku je na osnovu ukupne ocjene ponuda po kriteriju najniža cijena, predložila izbor ponuđača: BROJLER d.o.o. Sarajevo sa sjedištem u Sarajevu, Rajlovačka bb, 71000 Sarajevo za najpovoljnijeg ponuđača, sa iznosom ponude od 10.417,50 KM bez PDV-a, odnosno 12.188,47 KM sa PDV-om.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, tenderskom dokumentacijom i internim aktima.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu Odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Prilog: Kopija Zapisnika o pregledu i ocjeni ponuda sa prilogom broj: 2305/23 od 27.11.2023. godine.

JP „LOKOM“ d.o.o. Sarajevo

Direktor

Adnan Šabanović

Dostavljeno:

1. Ponuđačima,
2. Službena stranica Preduzeća,
3. Komisiji za javne nabavke,
4. a/a.

